

Landesbibliothek Oldenburg

Digitalisierung von Drucken

Anthropologia Anatomico-Physica

Baumer, Johann Wilhelm

Francofurti, 1784

VD18 11680695

Cap. XVI. De extremitatum superiorum venis.

urn:nbn:de:gbv:45:1-16622

CAP. XVI.

De extremitatum superiorum venis.

§. I.

*Digitorum
& manus.*

Digitorum atque manus venæ, in metacarpo plures areolas formantes, multisque anastomosibus inter se iunctæ, in antibrachii venas abeunt: *Salvatella*, in digito auriculari oriens atque per manus dorsum producta, venæ cubitalis radix est. Inter pollicem eiusque metacarpum *pollicis cephalica* obvia venæ radialis externæ radix est.

§. II.

Antibrachii vena.

Vena cubitalis interna in latere antibrachii interno, & *cubitalis externa* in externo, ascendentes, basilicæ radices sunt, atque cum venis, arteriæ brachialis satellitibus, nec non cum vena antibrachii profunda, plures anastomoses nectunt. *Vena antibrachii profunda*, interosseam atque venosas musculorum radii, carpi ac manus radículas accipiens, in interno antibrachii latere, e regione ligamenti interossei assurgens, medianæ atque basilicæ coniunctioni immittitur. *Venæ radii externa* atque *interna*, in utroque latere radículas, crebrioribus anastomosibus inter se iunctas, accipientes, in radii superficie externa atque interna, inter se propemodum parallelæ, ascendunt, atque in externo flexuræ cubiti latere venæ cephalicæ inseruntur. A venarum basilicæ

atque cephalicæ concursu, in cubiti flexura, vena mediana efficitur, in quam profunda inferior, inter cubiti musculos assurgens, aliusque ramus, cum vena cephalica pollicis connexus, abeunt. Vid. *B. Eustachii* tab. anat. XXV. n. II.

§. III.

In brachio radices musculorum venosæ *Brachii* (arteriæ brachialis *venæ satellites*) & sub humeri collo vena *profunda superior*, atque sub ossis humeri capite vena *articularis*, seu infrahumeralis in venam *basilicam*, in interiori brachii latere ascendentem abeunt, atque hæc dein, prope humeri caput, axillaris nomen recipit. Plures etiam venosæ musculorum radices in *cephalicam*, in externo muscoli bicipitis latere, atque inter detoidei ac pectoralis magni tendines, ascendentem sese exonerant, quæ venæ axillaris ad ossis humeri inserta radix est, cui etiam, brevi ante hanc insertionem, *cephalica parva* immittitur. Vid. *B. Eustachii* tab. anat. XXV. n. II. lit. D. & E. *De Haller* icon. anat. fasc. VI. tab. III. fig. 4.

§. IIII.

Venæ musculares internæ atque externæ *Venæ axillares* (axillares internæ & externæ) a scapulæ *lares* musculis v. c. trapezio, elevatore scapulæ, infraspinato, subscapulari &c. & glandulis axillaribus venientes, *thoracica superior*, a mammis atque musculo utroque pectorali assurgens, atque *thoracica inferior*, radicu-

las venosas a musculis subscapulari, rotundis, infra spinato, pectorali maiori, spinoso dorsi magno, atque glandulis axillaribus accipiens, *vena axillari* immittuntur, quæ in pectoris cavitatem declinans, *venæ subclaviæ* nomen recipit. Vid. *B. Eustachii* tab. anat. XXV. n. 11. lit. 0. & tab. XXVI.

Obs. In viro vena subclaviæ dextra ex duobus constabat radicibus, iam ad axillarem incipientibus, quæ ad iugularis internæ ostium demum confluebant, facta insula quinque transversos digitos longâ. Vid. *J. B. Morgagnus* de sedibus & causis morborum per anatomen detectis lib. V. ep. LXIX. art. 11.

CAP. XVII.

De venis pectoris.

§. I.

Vena subclaviæ.

Venarum subclaviarum, sub alviculis incedentium, dextra brevior est, atque fere ad perpendiculum descendit, sinistra vero longior est, situque magis horizontali gaudet. Venas vertebrales & iugulares nonnullas pectorales minores, atque, in latere suo externo, venam ab axilla venientem recipiunt. Vid. *J. B. Morgagni* epist. anat. XV. art. XXXVIII. atque in cavæ superioris truncum confluunt. Vid. *B. Eustachii* tab. anat. XXV. n. 11. lit. e.